



Inatsisartuni ilaasortaq Villy Olsvig, Inuit Ataqtigiit
/Maani

Attumi inissiat pillugit § 37 naapertorlugu apeqqutinut 2017-214-imut akissuteqaat

18-09-2017
Sags nr.: 2017 - 19449
Dok. nr. 6085742

Asasara Villy Olsvig

Aallarniutigalugu apeqqutinnut, Inatsisartut suleriaasianni § 37 naapertorlugu
nassiussannut qujanaq. Apeqqutit matuma kinguliani issuarneqarput, akissutitaannik
malitseqartinneqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

Apeqq. 1. Illut Attumi B-215,- B-327,- B-394,- B-398,- B-337,- B-338 kimik/kikkunnik pigineqarpat?

Akissut: A/S Inissiaatileqatigiiffik INI-mi Boligstøttemut Immikkoortortaarfik
ilisimatitsissuteqarpoq, B-215 Namminersorlutik Oqartussanut utertinneqarsimasoq,
tamatumunngalu peqatigitillugu ilisimatitsissutigaa illup pitsaannginnera peqqutigalugu
isaterneqartariaqartoq.

B-327, B-394, B-337, B-338 aamma B-398 Namminersorlutik Oqartussanit
pigineqanngillat, taamaattumillu nammineerluni imaluunniit kommunimit
pigineqarsimassapput.

Apeqq. 2. Pisortanik/BSU-mit pigineqarsimappata qanoq pineqarniarpat?

Akissut: Boligstøttemit taarsigassarsilluni illuliat, Namminersorlutik Oqartussanut
utertinneqarsimasut, illut isateriaannaat kisimik pinnatik, tamanut ammasumik
neqerooruteqartitsinikkut tunineqartarput. Taakku isaterinissamut pilersaarutitut
pingaarnernut ilaatinneqartarput, aammalu ukiumut aningaasaliiffiusumut,
isaterneqarnissamut pilersaaruteqarfiusumut aningaasanut inatsimmi allassimasarlutik.
Naatsorsuutigineqarpoq ukioq 2018 ingerlanerani B-215 isaterneqassasoq.

Apeqq. 3. Nunaqarfinni imaluunniit inoqarfinni inukinnerusuni INUUSUTTUT SULLIVII/INUUSUTTUT KIFFARTUUSSIVII periarfissaqarnerluni aallartinneqarsinnaanerannut?

Akissut: Inuussutissarsiornermut, Suliffeqarnermut Niuernermut

Nukissiuuteqarnermullu Naalakkersuisoqarfik ilisimatitsivoq:

UKA 2016-ip ingerlanerani suleqatigiissitamik, inuusuttunik sullissinermik naleqquttumik aqutsinikkullu naapertuuttumik aallartitseqqissinnaanissamut inassuteqaatinik saqqummiussisussamik pilersitseqqullugit Naalakkersuisut peqquneqarnissaannut Inatsisartuni aalajangiiffisassatut siunnersuut nr. 36 akuerineqarpoq. Naalakkersuisut nassuiaammik 2017-imi ukiakkut ataatsimiinnermi saqqummiussisussaapput.

Nassuiaammi inuusuttunik sullissinermut assingusunut/atuagarsorfiunngitsunut nutaanut suliniutissat pingaarnertut suliffissaaleqisunik sulilersitsiniarnissamut, suliffissaaleqisut ilinnialernerannik aamma/imaluunniit sulilernerannik kinguneqartussamik anguniagaqarfiusumik sammitinneqarnissaat pingaaruteqarpoq. Suliani taamaattuni inuusuttut suliffissaaleqisut isumalimmik, aammattaaq nunaqarfinnut illoqarfinnullu iluaqutaasumik suliaqalersinnaanissaat aallaaviusariaqarpoq.

Aammattaaq ilisimatitsissutigineqarsinnaavoq, Aningaasaqarnermut

Akilerartarnermullu Naalakkersuisoqarfik imaattumik ilisimatitsiissuteqarmat:

Suli Aningaasanut Inatsimmi Inuusuttut Sullivii/Inuusuttut Kiffartuussiviinut aningaasanik immikkoortitsisoqanngilaq. Kisiannili aningaasanut inatsisissamut isumaqatiginninniarnissat tulliuttut ingerlanerini tullerijaaarnermik allannguisoqarsinnaavoq, suliassaqarfimmi suliniuteqarnissamut ajornarunnaarsitsisinnaasunik, taannalu aqqutigalugu nunaqarfinni minnerni pilersaarummik aallartitsinissamut ajornarunnaarsitsisinnaasunik,

Apeqq. 4. Periarfissaqarnerluni suliffissaqartitsiniutitut illunik isaterinernik ingerlataqarsinnaanerannut?

Akissut: Inuussutissarsiornermut, Suliffeqarnermut Niuernermut

Nukissiuuteqarnermullu Naalakkersuisoqarfik ilisimatitsivoq:

Aningaasanut Inatsimmi konto 64.01.05-imi 7,588 mio. koruunit nunaqarfinni isorliunerusunilu inuussutissarsiutinik suliffeqarnermillu ineriartortitsinissamut immikkoortinneqarput. Kommunit tamarmik 1,595 mio. koruuninik, inuussutissarsiutinik suliffeqarnermillu ineriartortitsinermut atorsinnaasaminnik atugassinneqassapput. Suliami taamaattumi assersuutigalugu illunik isaterisoqarsinnaavoq. Kommunit nunaqarfinnilu siunnersuisooqatigiit pineqartut aningaasat atorlugit suliat suut

aallartinneqassanersut isumaqatigiissutigisassavaat suliassallu aalajangersimasut isumagissallugit.

Apeqq. 5. Periarfissaqarnerluni illut nunaqarfinni aamma pisoqaliartormata toqqavii saanertai/quassuttui atorluarlugit nutaamillusoq nappaaqqittoqarsinnaanera?

Akissut: Apeqqut 2-mut akissut takuuk.

Inussiarnersumik inuulluaqqusillunga



Erik Jensen